



**TEŠANJ** Završio uviđaj na Trešnjevom panju

# Vrijednost pronađenog oružja dva miliona KM?

U SIPA-i ne odbacuju mogućnost šverca oružja • Jedan dio zemljišta je deminiran i dio eksplozivnih sredstava je izmješten, kaže Ahmić • Pronađene 652 granate

Iako se početak uviđaja na Trešnjevom panju kod Tešnja, gdje su u petak pronađene granate za bestrzajni top kalibra 84 milimetra, očekivao danas, jučer su pripadnici Federalne uprave civilne zaštite i demineri išli na teren i omogućili MUP-u ZDK početak uviđaja. Uviđaj je završen kasno popodne te su pronađene ukupno 652 granate.

## Nalog tužioca

Aldina Ahmić, portparol MUP-a ZDK, kazala je za „Avaz“ da je na licu mjesta dežurni tužilac Kantonalnog tužilaštva Zenica naložio da pripadnici CZ-a i timovi rade prvo deminiranje terena. - Tako se uviđaj radi po fazama. Jedan dio je deminiran i dio eksplozivnih sredstava je izmješten - kaže Ahmić.

Inače, špekulira se da je oružje bilo namijenjeno za šverc, a u Državnoj agenciji za istrage i zaštitu (SIPA) potvrđeno nam je da će i taj aspekt biti obuhvaćen. S obzirom na to da SIPA vodi višemjesečnu istragu o nelegalnom skladištenju vojnog naoružanja na području



Dio eksplozivnih sredstava izmješten

općine Tešanj, i inspektori SIPA-e prisustvuju uviđaju.

- Je li riječ o švercu oružja, utvrđivat će se u daljnjoj istrazi. Prema našim obavještajnim saznanjima, ovo oružje dovodi se u vezi s oružjem koje je u julu pronađeno u selu Kaloševici. Nastavlja se daljnja istraga da bismo utvrdili namjenu i porijeklo oružja - kaže Kristina Jozić, policijska službe-

## Nove lokacije

Na području Tešnja, kako se špekulira, postoje još najmanje tri lokacije na kojima je nelegalno zakopano vojno naoružanje i SIPA-ini inspektori rade na njihovom pronalasku.

- Naravno da radimo i na pronalasku drugih lokacija na kojima bi se moglo nalaziti zakopano oružje. Naša saznanja su da postoji još takvih mjesta - pojašnjava Jozić.

nica SIPA-e.

S obzirom na to da je SIPA potvrdila da se ovo naoružanje može dovesti u vezi s onim ranije pronađenim na lokalitetu sela Kaloševici kod Tešnja, postoje indicije i da su granate pripadale organiziranoj grupi koja se na ovom području bavila švercom oružja.

## Dodatna ograničenja

Prema nezvaničnim podacima do kojih je došao „Avaz“, pronađene granate na Trešnjevom panju na crnom tržištu naoružanja vri-

jede oko dva miliona KM.

Novinarskim ekipama pristup ovom terenu jučer je dodatno ograničen, jer su sigurnosne trake pomjerene za oko 300 metara na pristupni put, tako da je do samog mjesta uviđaja nemoguće doći. Iako u Tešnju niko o ovome ne želi govoriti, do sada se zna da su granate motornim vozilom organizirano na paletama dovezene u rejon Trešnjevog panja, gdje su razbacane po šumi, na nekadašnjoj liniji razdvajanja u minskim poljima.

M. Č. - A. Č. Z.



AHMIĆ:  
Uviđaj po fazama



JOZIĆ:  
Intenzivne provjere